

## ՄԵԿՆԱԲԱՆՈՒԹՅՈՒՆ. ՆՈՐ ԴԱՍԱԿԱՐԳՄԱՆ ԾՆՈՒՆԴԸ

**Սամիր Զուբերի՝** ILAE Դասակարգման և Տերմինաբանության հանձնաժողովի ղեկավար  
**Էմիլիո Պերուկկա՝** Էպիլեպսիայի դեմ պայքարի միջազգային լիգայի նախագահ

*Epilepsia*-ի այս համարում Էպիլեպսիայի դեմ պայքարի միջազգային լիգայի (ILAE) Դասակարգման և Տերմինաբանության հանձնաժողովը ներկայացնում է 1989թ. ի վեր ILAE դիրքորոշման առաջին փաստաթուղթերը ցնցումների և էպիլեպսիաների դասակարգման մասին՝ ձևակերպված երեք փոխլրացնող հատվածներով:<sup>1-3</sup> Այս փաստաթղթերը ILAE բազմաթիվ հանձնաժողովների ու խմբերի, ինչպես նաև այն անձանց աշխատանքի վերջնարդյունքն են, ովքեր վերջին 28 տարիների ընթացքում վերլուծել ու հրապարակումներ են արել դասակարգման վերաբերյալ: Այս գործընթացը մեծ թափ ստացավ ILAE Դասակարգման և Տերմինաբանության հանձնաժողովի 2010թ. եզրակացության հրապարակման հետ, որում ներկայացված էին էպիլեպսիայի դասակարգման նոր հասկացությունները և տերմինաբանությունը, առավել ուշագրավ պատճառները:<sup>4</sup> Այս փաստաթուղթը շատ բանավեճեր առաջացրեց էպիլեպսիայով զբաղվող մասնագետների համայնքի ներսում և սկիզբ դրեց 7 տարի տևած շարունակական գործընթացի, որում հանրային ներգրավվածությունը ամբողջ աշխարհից, Հանձնաժողովի հետագա հրապարակումները և առցանց մեկնաբանությունները հանգեցրին ցնցումների և էպիլեպսիաների 2017թ. դասակարգմանը: Այս գործընթացի արդյունքում դասակարգումը զգալիորեն փոխվեց: Այս թողարկման հոդվածները պետք է դիտվեն որպես մեկ ամբողջական աշխատանք՝ ներկայացված է երեք փաստաթղթերում, որով լուսաբանվում են բոլոր մանրամասները և տրվում են բացատրություններ այն փոփոխությունների համար, որոնք այնքան կարևոր են էպիլեպսիա ունեցող պացիենտների խնամքի հարցում:

Գիտելիքների աճին և հասկացությունների զարգացմանը զուգահեռ՝ դասակարգումները կփոփոխվեն: Այնուամենայնիվ, պետք է հավասարակշռություն լինի ժամանակի ընթացքում կայունության և կլինիկական պրակտիկայի ու հետազոտության ընդհանուր լեզու գտնելու պահանջի միջև: Կլինիկական դասակարգումների հաստատվելու համար անհրաժեշտ է մի քանի տարի, և չնայած որ 2017թ.ցնցումների և էպիլեպսիաների դասակարգման հետագա հիմնարար փոփոխություններ կարճաժամկետից միջնաժամկետ հեռանկարում նախատեսված չեն, ILAE կշարունակի պատասխանել էպիլեպսիայով զբաղվող մասնագետների համայնքից ստացվող հետադարձ կապին:

#### Հղումներ

1. Scheffer IE, Berkovic S, Capovilla G, et al. ILAE classification of the epilepsies: Position paper of the ILAE Commission for Classification and Terminology. *Epilepsia* 2017;58:512–521.
2. Fisher RS, Cross JH, French JA, et al. Operational classification of seizure types by the International League Against Epilepsy: Position Paper of the ILAE Commission for Classification and Terminology. *Epilepsia* 2017;58:522–530.
3. Fisher RS, Cross JH, D’Souza C, et al. Instruction manual for the ILAE 2017 operational classification of seizure types. *Epilepsia* 2017;58:531–542.
4. Berg AT, Berkovic SF, Brodie MJ, et al. Revised terminology and concepts for organization of seizures and epilepsies: report of the ILAE Commission on Classification and Terminology, 2005–2009. *Epilepsia* 2010;51:676–685.